



Broj: 03/11,04/5-05-1-2418/17
Sarajevo, 29. 11. 2017.

PREDMET: informacija o učešću delegacije PSBiH u PSNATO na seminaru i zasjedanju Specijalne grupe za Mediteran i Srednji istok PSNATO, Rim, 23-25.11.2017.

U Rimu je u periodu 23.-25.11.2017.godine održan seminar PSNATO koji su organizovali Specijalna grupa za Mediteran i Srednji istok PSNATO, Delegacija Parlamenta Italije u PSNATO i Podkomitet PSNATO za transatlansku odbranu i sigurnosnu saradnju.

U radu ovog skupa učestvovali su Nikola Lovrinović, predsjedavajući i Asim Sarajlić član Delegacije PSBiH u PSNATO.

Učesnicima seminara su se u uvodnom dijelu obratili Laura Boldrini, predsjedavajuća Predstavničkog doma i Pietro Grasso, predsjedavajući Senata Parlamenta Republike Italije ta Paolo Gentiloni, premijer Vlade Republike Italije.

Ispred PSNATO učesnike je pozdravio Palo Alli, predsjedavajući PSNATO.

Teme, o kojim se razgovaralo na ovom skupu su brojne i veoma značajne za sagledavanje aktuelnog stanja u regionu Mediterana i zemljama MENA kao i regionu Zapadnog Balkana.

Tokom prvog dana rasprava je posebno bila posvećena pitanjima vezanim za prevenciju radikalizmima i suprotstavljanju svim oblicima ekstremizma. Savezništvo u borbi protiv ISIL-a, stalni nadzor nad stranim borcima i povratnicima za ratišta su obaveza svih subjekata svake zemlje pojedinačno i međunarodne zajednice, NATO, EU i UN u cjelini, konstatovali su učesnici ovog skupa.

U tom kontekstu razgovarano je o migracijama i opasnostima koje sa sobom nosi svaki migracioni talas jer, nažalost, pokazalo se da ekstremisti koriste i tu mogućnost za svoje akcije i ciljeve.

Drugi dan seminara razgovarano je o aktuelnoj političkoj i sigurnosnoj situaciji u Libiji, o naporima za uspostavljanje i izgradnju odrambenog i sigurnosnog sektora, o nastojanju radikalističkih grupa da zaustave proces pomirenja i stabiliziranja stanja u toj zemlji. Migracije su tema o kojoj se razgovaralo s posebnom pažnjom gdje su se brojni učesnici fokusirali na stanje novčanih fondova koji prate migracije.

Postavlja se pitanje trošenja sredstava i saradnje međunarodnih organizacija i lokalnih autoriteta gdje su sve izraženiji problemi i nerazumjevanje.

Posebno zanimljiva rasprava se vodila nakon prezentovanja stava sadašnje administracije Vlade SAD i zemalja Evropske unije o stanju na Bliskom istoku. U fokusu rasprave je bila migrantska politika, mogućnosti izgradnje zajedničke strategije u suprotstavljanju radikalizmu i ekstremizmu te situacija u Siriji i Iraku.

Brojne su dileme o tome kako će Irak krenuti dalje nakon rušenja tzv. Islamske države te kakva je budućnost Sirije i tog regiona sa Asadovim režimom.

Učesnici seminara su 25.11.2017. posjetiti Komandu Savezničkih združenih snaga u Napulju gdje su imali priliku upoznati se sa aktivnostima NATO Strateškog centra jug.

Učesnike seminara, tokom posjete Komandi Združenih savezničkih snaga NATO-a u Napulju, pozdravio je komandant Združenih snaga admiral James G. Foggo III, koji je goste informisao o misiji novootvorenog NATO Strateškog centra „Jug“ i aktivnostima Združenih savezničkih snaga.

U razgovoru parlamentaraca sa predstavnicima Komande Združenih savezničkih snaga u Napulju pomenute su aktivnosti NATO-a u regionu Zapadnog Balkana. Posebno je istaknut značaj misije i aktivnosti NATO - štaba u Sarajevu, kao i savjetodavnih timova NATO-a koji djeluju u Beogradu i Skoplju.

Nikola Lovrinović i Asim Sarajlić su tokom boravka u Rimu posjetili Ambasadu Bosne i Hercegovine u Republici Italiji i Ambasadu BiH u Vatikanu gdje su ih ambasadori Josip Gelo i Slavila Karačić sa saradnicima upoznali sa svojim aktivnostima.

Informaciju sačinio:
sekretar Delegacije
Željko Grubešić

Predsjedavajući Delegacije
Nikola Lovrinović